

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 87 50 30, Fax: 00387 35 87 66 47, e-mail: opcina.banovici@bih.net.ba, Web: www.opcina-banovici.com.ba

Broj: 01-05-614/16- 4

Datum: 16. 5. 2016. godine

Na osnovu člana 64. stav 1. tačka b. a u vezi sa članom. 89., članom 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („ Službene novine FBiH“ broj 49/06) člana 42. Statuta Općine Banovići (Službeni glasnik općine Banovići broj 3/08) i Preporuke Komisije za javnu nabavku, broj: 01-05-614/16-3 od 13. 5. 2016. godine u postupku javne nabavke usluge „Angažovanje mašine rovokopača“ Općinski načelnik donosi:

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavke broj: 01-05-614/16-3 od 13. 5. 2016. godine i Ugovor za javnu nabavku usluge „Angažovanje mašine rovokopača“ dodjeljuje se ponuđaču „HASANAGIĆ“ d.o.o. Banovići, sa sjedištem u Banovićima , ulica Alije Izetbegovića broj 74., ponuda broj 57-05/16 za ponudenu cijenu od 19. 500,00 KM bez PDV-a, kao najbolje ocijenjenom ponuđaču.

Član 2.

Prijedlog Ugovora o nabavci roba dostavit će se na potpis izabranom ponuđaču, istovremeno sa slanjem Odluke o izboru najpovoljnijeg ponuđača.

Rok mirovanja se ne primjenjuje, budući da je u postupku sudjelovao jedan ponuđač, čija je ponuda ujedno i odabrana, a sve u skladu sa članom 98. stavak 2. točka a. Zakona o javnim nabavkama (Službeni glasnik BiH broj 39/14).

Član 3

Ova Odluka stupa na snagu danom donošenja i objavit će se na internet stranici www.opcina-banovici.com.ba istovremeno s upućivanjem svim ponuđačima koji su učestvovali u postupku javne nabavke, u skladu sa članom 71. stav 6. Zakona o javnim nabavkama (Službeni glasnik Bosne i Hercegovine, broj 39/14).

o b r a z l o ž e n j e

Odlukom o pokretanju postupka javne nabavke usluga broj: 01-05-614/16 od 28. 4. 2016. godine donesenom od strane ovog organa pokrenut je postupak javne nabavke usluge „Angažovanje mašine rovokopača“.

Predmetna javna nabavka predviđena je Planom javnih nabavki općine Banovići za 2016. godinu, broj: 01-05-1681/2015 od 28. 12. 2015. godine, evidencijski broj 72/16.

Javna nabavka usluga sprovedena je konkurentskim zahtjevom za dostavu ponuda.

Procijenjena vrijednost javne nabavke bez PDV-a je 20.000,00 KM.

Obavještenje o nabavci broj 1220-7-2-55-3-16/16, objavljeno je na Portalu javnih nabavki dana 28. 4. 2016. godine.

Tenderska dokumentacija objavljena je na portalu javnih nabavki <https://www.ejn.gov.ba> dana 28.04.2016. godine.

Poziv za preuzimanje TD u sistemu „e nabavke“ (istovremeno sa slanjem obavijesti na Portal javnih nabavki i TD na portal JN) upućen je slijedećim potencijalnim ponuđačima:

- „RM COMPANY“ d.o.o. Banovići, sa sjedištem u Bosanskoj ulici broj 22. u Banovićima
- „HASANAGIĆ“ d.o.o. BANOVIĆI, sa sjedištem u Banovićima, ulica Alije Izetbegovića broj 74.
- „KOMUNALNO“ d.d. Banovići sa sjedištem u Banovićima, Školska.

Komisija za javne nabavke imenovana rješenjem broj: 01-05-91/16 od 18. 1. 2016. godine, ovom organu dostavila je dana 15. 5. 2016. godine, Zapisnik o ocjeni ponuda broj: 01-05-614/16-2 od 13. 5. 2016. i Preporuku o izboru najpovoljnijeg ponuđača broj: 01-05-614/16-3 od 13. 5. 2016. godine u postupku javne nabavke usluge „Angažovanje mašine rovokopača“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 1 (jedna),
- da su blagovremeno zaprimljene 1 (jedna) ponude,
- da nema neblagovremenih ponuda,
- da je jedna (1) ponuda ocijenjena kao prihvatljiva i to ponude ponuđača:

1. „HASANAGIĆ“ d.o.o. BANOVIĆI, sa sjedištem u Banovićima, ulica Alije Izetbegovića broj 74.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterijum najniže cijene, koja je ponuđena u ukupnom iznosu od 19. 500,00 KM.

Iz navedenih razloga, primjenom člana 64. stav 1. tačka b. a u vezi sa članom 89. Zakona o javnim nabavkama, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

1x Svim ponuđačima

koji su učestvovali u postupku JN

1x U spis

1x a/a



OPĆINSKI NAČELNIK

Miđhat Husić